

Minister Xiomara Ruiz-Maduro a efectua desvelo di relieve di Vale Croes

ORANJESTAD – Ayera nochi den presencia di su casa Lourdes, yiunan, nietonan, demas famia y amistanan, minister Xiomara Ruiz-Maduro a efectua e desvelo di e relieve di Rudolfo Valentino 'Vale' Croes, segun un comunicado ricibi.

Tabata un anochi bunita yena cu canto, chiste, actuacion y musica, locual cu Vale tabata gusta caminda a duna honor na nos baluarte cultural humoristico di Aruba, Antias y Hulanda. Vale ta conoci pa mas cu tres decada haciendo presentacionnan humoristico conoci como 'Show di Vale'.

Vale ta conoci e Arubiano original, e comico, actor, cantante y carpinte fini. E relieve ta obra di nos artista local, Maritza Erasmus y por wordo admira na e amphiteatro Edgar Connor na Paseo Herencia. Minister Ruiz-Maduro den su discurso a trece dilanti cu mester bisa cu si Vale tabata na bisa y tabata presente casi sigur e lo a canta: 'te pareces tanto a mi'. Danki na tur hende cu a haci e bunita reconocimiento aki posibel, como tambe na Paseo Herencia y tur esunnan cu a duna nan presentacion ayera dunando Vale e honor. "Pabien special na sra Lourdes y famia. Vale su legado lo keda pa semper den e mente y curason di nos Pueblo", e ministerta finalisa.

